

報日環循

光緒拾年歲次甲申閏五月初肆日 禮拜四 第四千一百六十八號

贈送瘋癲解毒丸
茲本藥房朱光臣先生所製
癲瘋解毒丸經愈數人因將
其丸贈送少盡濟世之心如
有初患此症者請到面說病
由見症送丸分文不受每逢
初二十六開贈自九月刊告
白之後有多人到取亦皆奏
效特此佈聞
癸未年十月 香港中
環杏樂春中外藥房啟

京錄選

前大學士署直隸總督一等伯臣李鴻章跪奏 為開馬頰河分減黃流地勢未宜民情不順工費無出後患難防據實覆陳仰祈 聖鑒事竊臣前准工部咨開會同戶部議覆侍郎游百川奏請開馬頰河分減黃流一摺又議覆御史吳嗣秦不宜開河分減一摺應令直隸山東派員勘驗通盤籌議折衷一是等因奉 旨依議欽此欽遵知照前來當經遵派熟悉河工之候補知府吳士湘隨帶精熟機器員弁馳抵海豐縣沙土河海口溯流而上將馬頰全河里數寬窄丈尺工程難易及直東地勢高下民情順逆逐細測量體察計歷山東海豐直隸慶雲山東樂陵德州平原恩縣高唐禹城齊河長清十一州縣至長清縣屬黃河北岸至五龍潭原擬運籌處所迫勘畢後又以津海關道周馥前會勘東境黃河上須穿過徒駭等河九道惟深澤兩河向有河槽寬而不深若徒駭巴公范公趙王趙正岔等河寬祇二三丈深祇六七尺其無河處所須生開陸地六千二百二十丈又自鍋塔口入馬頰河至海豐沙土河海口即馬頰尾闊計長七萬四千三百七十五丈合四百三十三里其在德州平原境內者口寬七八丈深丈許在德平樂陵慶雲海豐境內者口寬不過十丈八丈深僅數尺全河併計狹淺處約有十分之七總計自五龍潭迄沙土河海口共長十萬八千七百七十五丈合六百三十二里照游百川原奏挑寬四十丈深一丈其兩岸堆土及留河灘至出土須有六丈合共佔地寬一百一十丈計長清縣境佔地一萬六千四百餘畝墳墓二千八百餘塚又四十七村合三千四百三十餘戶齊河縣境佔地六千七百餘畝墳墓一千二百餘塚又二十五村合一千餘戶禹城縣境佔地九千五百餘畝墳墓三千八百四十餘塚又五十九村合四千一百餘戶平原縣境佔地七千九百餘畝墳墓四千九百餘塚又七十四村合五千一百餘戶德州縣境佔地一萬餘畝墳墓五千一百七十餘塚又九十四村合七千七百餘戶德平縣境佔地一萬四千餘畝墳墓四千六百八十餘塚又九十八村合五千九百二十餘戶樂陵縣境佔地七千五百餘畝墳墓四千四十餘塚又八十四村合四千五百五十餘戶慶雲縣境佔地七千五百餘畝墳墓二千三百餘塚又五十村合三千四百五十戶海豐縣境佔地與荒廢斥鹵相間得難細核約計一萬畝墳墓二千八百餘塚又四十九村合四千四百三十餘戶統計佔地七萬九千餘畝除原舊河形外實佔現在民田六萬餘畝又五百七十六村共三萬九千六百餘戶又墳墓三萬一千七百餘塚此五龍潭在馬頰河尾閘若擬開引須佔用民業之實在數目也又查五龍潭係百年不易之險自銅瓦鏢決口黃流會入 大清 東趨迎溜地勢甚常有漫潰上年凌汛決口三百餘丈測量該處黃河寬口一百二十丈南當雞嘴老灘頂入河心通流北沖北岸水深二丈南岸水深六尺北岸地勢又較低南岸地勢七尺二寸土人云上年秋汛水漲高於平地二尺如游百川原奏建濬水壩北岸低二三尺是汎漲過水當在一丈上下又測量平原縣鍋塔口地勢較五龍潭低一丈五尺五寸海豐沙土河海口地勢較鍋塔口又低十二丈八尺六寸可見愈北愈低而天津三岔河口地勢較馬頰河低九丈五尺四寸又查馬頰河北岸運河遠者百餘里近者如恩縣德州兩處相距四五十里此五龍潭黃河大溜僅通北岸運河節節低下而馬頰又有切近運河處所之實在情形也臣督飭周馥吳士湘通盤籌議不可開引黃流入馬頰者約有七端黃流自古少開壩分水之案漢之瓠子酸棗宋之六塔二股明之沙灣皆因分水貽害後引以為鑑我 朝河臣靳輔建毛城鋪太谷山龍虎山天然減水閘壩皆就山骨堅土之處建立壩基下有湖溝可歸且挑倒引河以防奪溜乃不久仍多廢棄以後無敢踵而行之者今五龍潭為極險之冲一片純沙壩難立若欲改河北行貽害甚廣禦之不服奈何引之不可者一減河所經橫穿徒駭巴公趙王等河九道紆折一百九十里勢必將此九河東去之路盡行堵塞使北趨竊恐天生地脈非可以人力亂之汎漲湧至依舊冲決此不可者二黃入濟濱以來兩岸客民久困沈實識者謂因城鎮太多未能早築遙堤之故今分黃入馬頰斜行六百三里即新增兩岸堤工一千二百餘里官守民守均苦無力是使六百三里向不被水之區皆無完土此不可者三黃流下游淤淺實因上游分溢過多正河水少之故若以徒駭馬頰一再分減而視欄水之遙堤為緩圖則下游必更停淤下壅上潰恐長清以上益多漫溢此不可者四六百三里之中除舊河壅種不計外新佔民田六萬餘畝小民已苦失業且有五百七十六村三萬九千餘戶又墳墓三萬一千七百餘塚從何遷徙此不可者五自來運河不能兩行東漢以後議論紛紜辦法不一大抵合則必治不治則必壞往籍班班可考禹河雖暫分行但今昔時異勢殊未可泥古規今觀馬頰北地勢節節低下土性鬆浮天津又低於慶雲馬頰北岸九丈數尺而上游德州恩縣之馬頰距南運河祇四五十里黃河善徙往往橫侵驟決設使開引之後就下勢順改道北趨加以直境永定漳沱潮白漳衛拒馬三易五大河之水將見 畿南全成澤國勢所必至理有固然

京畿根本重地極宜凝重此不可者六五龍潭以下至入馬頰除原舊河形不挑外照原 奏丈尺核計十方應挑八百八十五萬餘方又開馬頰各段並培補兩岸殘堤應挑土一千一百三十九萬餘方按山東原估每方銀一錢五分共需銀三百餘萬兩而建濬水壩之費尚不知凡幾遷徙村戶墳墓並給地價一切更無從預估其原估築堤項下焉能節出各許經費開辦此河當茲時勢艱難重耗巨款與此無益有害之工殊屬非計此不可者七自開引之議起直東沿河州縣紳民或在臣處或於委員經過時紛紛遞呈籲懇免辦情詞迫切地勢既不相宜民情又復不順工費無出後患難防實以不開為便至游百川原奏開杜家溝分水入徒駭一節已經山東撫臣 奏明秋後察看又御史吳嗣秦 奏築堤建壩並築遙堤開闢堤任民修守核免錢漕兼籌 帑項勘定海口取直河身考核舊河歷練賢才各節似多可行惟節目甚煩非一時所能指辦亦非直隸所能遙度如何次第舉行期於河防大局有裨應由山東撫臣隨時察酌妥籌分別奏辦除將吳士湘繪送圖說分咨軍機處工部查核外所有馬頰河不宜開引分減黃流緣由理合會同山東撫臣陳士杰恭摺據實覆陳伏乞 皇太后 皇上聖鑒 訓示謹 奏奉 旨已錄

羊城新報

五月二十九日 督撫憲報 督憲張 禹山 掌教潘到拜會卸鹽運憲周稟謝知廣州府蕭 稟見潮州通判吳景雲稟到卸事同調署新會縣 准補曲江縣署劉景雲稟到卸事同調署新會縣 上衙門大挑知縣孫之瀛劉祖祺俱稟辭赴職試 用鹽大使楊增琛稟知赴職寫履歷 撫憲倪 補用府夏稟知由順德回候補同知俞紹勳稟到 由南海縣屬各鄉辦理團練回稟見新會縣署稟 到卸事會縣彭稟到由新會補用縣丞周爾吉補 用典史徐鑑顯稟知赴職寫履歷查對筆蹟

中外新聞

和約有成 五月二十六日西貢報刊有電傳文書乃西貢法總督由 金邊國致總理總督波滑將軍者也書畧云前與金邊國王會議商酌 稅關事務嗣因意見參商金王遂動怒而待我以無禮後金王自知有 得情理即行調過言歸於好且將盟約畫押而於一千八百六十三年 八月十一日所立之和約可視為實據矣新立之約其條款謂從此法 廷委派使員或副使員到金邊國駐紮以維持大局而管轄土官而所 派之各使員惟總使員及西貢總督命令是聽至金邊土官仍守舊職 管理各省事務惟稅關徵收稅餉等務則專任法人辦理土官不得過 問焉其保護金邊國經費款項悉由金邊國撥給而金王及諸王子俸祿 擬俟將每年入息庫項核定然後酌給現先行暫撥銀三十萬圓與金

責者宜何如設法以靖此盜源而無俾民憂耶 三月九日之象其附近西坊關姓者為尤甚屋宇傾塌墜而宗祠亦多傾跌聞有一西成書院經管創建僅已落 成金壁輝煌垣墻固亦被吹倒殊可惜也至否有願斃人命尚未悉焉聞此風由順昌龍江等鄉而來瞬息間即遭此 災倘謬之所謂禿尾龍為虐其殆是歟○局紳稟退 昨錄城南珠光里十六約有局紳杜姓黎陳等姓迭遭指控謂 其盤踞局務杜孝廉不甘受誣自行告退是處紳耆等再為留挽代其訴稟而孝廉仍欲潔身而去前日面謁廣州府憲 即將稟詞呈覽蕭太尊以其勇退可嘉極為欣許隨即批出批云該紳等身列賢書才華彪炳乃因經管局務疊被陳亞 傑等指名控告本屬抱屈十分今因心迹已明自行告退足見深識時務志趣高遠殊堪嘉尚即應照准以杜流弊其 之謬而為該紳全其盛名仰番番局紳轉飭遵照一面會商閩邑紳耆將十六約團防局務另舉正紳接辦至陳亞傑欠 廟嘗屢次藉端推延久不清繳居心殊屬可惡趕緊拘案訊明押追違則嚴行究辦黃茂英即人骨進如有私開小押與 需役歐陽泉朋比為奸串謁公所情弊亦即查明分別拘提從嚴革究並將控案作違斷結詳銷毋得延宕抄原詞發 長崎近聞 長崎遞到信息云茲聞有日人載運日本鉛字及印字機器前往上海蓋欲在上海設立日本新聞館以資採訪而廣見聞焉信息 又云西歷五月二十九日埃沙治城有日人某家夫婦二人四男二女共計八口一日為仇家屠殺并將其屋宇焚燬付諸一炬現有四十人乃 同謀殺害某家者經已被拘但未知若何發落耳不知某家緣何遭此慘酷惟據傳說某非良民素以放火害人故入亦以此報之此孟子之所 謂一聞者也至事之確否則尚未悉焉○領事抵滬 茲聞日本新派駐上海總領事安藤大郎已於五月二十六日行抵上海云○有備無患 上海信息云現聞中土內地諸省陸續召募兵勇建設炮臺整頓軍務不遺餘力語云兵可百年而不用不可一日而不備蓋得其道矣昨有 兵數千經已着赴南邊相亦為固守疆界起見耳○星使行踪 上海馬福報云派駐德法荷奧意諸國星使許竹簪著作佐郎已由京抵津 附搭招商局船來上海云○擬遊列國 檀香山西字報云南洋佐荷島之土酋擬於來年往美國及澳洲利亞洲各處遊歷地方以擴眼界而 暢襟懷并欲取道到檀香山暫駐行旌以修舊好經已有書致檀國協理預為通知矣○煤礦起色 上海字林西報云昨接北邊來信謂開平 煤礦因現中朝允准建築車路來往開平天津及唐君景星辦理礦務得宜故股價大有起色聞前數月每日探出之煤祇二百餘噸今則探至 六七百噸云○公使到港 法國新派駐中國公使巴甸那達於初二晚由海防乘坐法國美連炮船業已到港聞將由港取道以赴京都云

